

Siunnersuut uunga: Nunaoil A/S pillugu Inatsisartut inatsisaat nr. xx, uu. qqqq 2009-meersoq-mut

allannguutissatut siunnersuut

Naalackersuisunit aappassaaneerinninnissamut saqqummiunneqartoq

pillugu

Inuussutissarsiornermut Ataatsimiititaliap

ILASSUTITUT ISUMALIUTISSIISSUTAA

Allannguutissatut siunnersuutip aappassaaneerneqarneranut saqqummiunneqartoq

Inuussutissarsiornermut Ataatsimiititaliap suliarinninnermini ukuninnga ilaasortaqrpoq:

Inatsisartunut ilaasortaq Aqqaluaq Egede, siulittaasoq, Inuit Ataqtigiit
Inatsisartunut ilaasortaq Niels Thomsen, siulittaasup tullia, Demokraatit
Inatsisartunut ilaasortaq Naaja Nathanielsen, Inuit Ataqtigiit
Inatsisartunut ilaasortaq Siverth K. Heilmann, Atassut
Inatsisartunut ilaasortaq Per Berthelsen, Siumut

Ataatsimiititaliap siunnersuummi suliarinninnera

Ataatsimiititaliap ulloq 23. november ataatsimiinnermini siunnersuut nassuiaatitalu misissuataarpai. Ataatsimiititaliami amerlanerussuteqartut Naalackersuisut allannguutissatut siunnersuutaat ilalersinnaavai. Taamaalillunilu aamma inassuteqaatini nammineq allannguutissatut siunnersuutimi itigartinneqarnissaat ataatsimiititaliap inassutigisariaqassavaa.

Ataatsimiititaliap inassuteqaatai

Ataatsimiititaliami amerlanerussuteqartut Inuit Ataqtigiit, Demokraatit Atassutillu sinniisaasa Inuussutissarsiornermut Ataatsimiititaliap allannguutissatut siunnersuutaasa itigartinneqarnissaat inassutigaat.

Demokraatilli sinniisaata pissutissaqarsoraa oqaatigissallugu allannguutissatut siunnersuuteqarnerminnut Naalackersuisut naalackersuinikkut siunertaat tamakkiisumik paasinnginnamiuk. Sinniisuutitaq aallaavittut isumaqarpoq Nunaoil A/S eqqarsaatigalugu siulersuisunut ilaasortaasartussanut pisortaaartussanullu taamatullu aamma ingerlatsineq pillugu Inatsisartut malinnaatinneqarsinnaanerannut piumasaqaatit sakkortusinernissaannik Inuussutissarsiornermut Ataatsimiititaliap kissaatai tunngavissaqarlutillu naapertuukkaluartut.

Ataatsimiititaliami amerlanerussuteqartut Inuit Ataqtigiit, Demokraatit Atassutillu sinnisaasa Naalakkersuisut allannguutissatut siunnersuutaasa akuerineqarnissaat inassutigaat.

Ataatsimiititaliami ikinnerussuteqartut Siumup sinnisaatitaata Naalakkersuisut allannguutissatut siunnersuutaasa itigartinneqarnissaat inassutigaa. Taamaattumik aamma ikinnerussuteqartut Inuussutissarsiornermut Ataatsimiititaliap allannguutissatut siunnersuutaasa akuerineqarnissaat inassutigaat.

Ikinnerussuteqartut Naalakkersuisut allannguutissatut siunnersuutaat pillugu oqaatigissavaat isumaqaramik siulersuisut pisortallu akissarsiaqartinneqarnerat pillugu innuttaasut paasisaqarsinnaanissaata peerneqarnissaanik Naalakkersuisut kissaateqarnerat tunngavilersugaanngitsoq. Namminersorlutik Oqartussat ingerlatseqatigiiffiutaasa aquneqarnerisa ammanerusumik paasiuminarnerusumillu ingerlanneqarnissaat Siumup siuarsarusuppa.

Taamatut oqaaseqarluni siunnersuummillu siuliani nalunaarneqartutut paasinnilluni Inuussutissarsiornermut Ataatsimiititaliap siunnersuut aappasaaniigassanngortippaa.

Siulittaasoq